



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Ejus religionis ratio ac finis proponitur.

[urn:nbn:de:hbz:466:1-47123](#)

vestigijs quandoque in Virginis corpore evidenter restantibus. Ex quibus aliisque prodigijs facilis conjectura ducitur; specialem illam & efficacem passionis Christi feriâ sextâ memoriam, ipsi Salvatori mirum in modum acceptam esse. Quod quidem studium, ita sibi familiare fecerat V-
bertinus de Casali, ut de fœmetipso ita scriperit: *Omnes Prolog. 1.
dies Veneris videbantur mihi, non memoria, sed praesentia IESV Arb. 9it.
passionis & mortis.*

Ad extremum non omittam dicere: ex simili, adver-
sus hanc ipsam, Christi passione ac morte consecratam,
diem, religione profectum, ut nonnulli Christi amatores
hac eadem die vitam claudere optaverint. Quam rem in-
ter alios, uti votis frequentibus vivens expeterat suprà me-
moratus P. Colnago, ita denique obtinuisse (idque cum eo *Vit. l. 1.*
corollario, ut eadem etiam hora, qua Christus creditur *c. 12.*
mortuus esse, decederet) testis est ejus Vita. At B. Joa- *Phil. Ferrar.*
chim Senensis, Ordinis Servorum B. M. in ipso die Parasce- *16. April.*
ves, uti expeterat, defunctus est.

C A P V T X V.

*Sacras (quas appellant) Christi patientis Sta-
tiones, suis temporibus religiosè obire.*

§. I.

Eius religionis ratio ac finis proponitur.

Stationum passionis Christi nomine hic intelligimus, Sa-
cella quædam aut ædicularis, certis ac præcipuis mysterijs
passionis Christi dedicatas; quæ nonnullis in Provincijs,
ac nominatim in varijs Belgij Vrbibus, per mœnum ambi-
tum aliavè loca opportuna ita sunt dispositæ, ut ijs ferè in-
terrallis inter se distent, quibus compertum est Ierosolymis
distare loca, in quibus re ipsa ea mysteria contigere. Quod
qui-

ROY
H. L. 10
T. 3. 16

quidem iter, velut passibus Christi Domini consecratum, à cuiusvis ordinis, sexūs, ætatis hominibus, videmus (præser-tim qualibet recurrente sextâ feriâ) religiosè obiri, & ipsas sacras Stationes seu Sacella sigillatim piâ & mysterio con-sentaneâ precatione salutari, nec minore fructu quâm fre-quentiâ celebrari.

Cùm enim communiter non licet, ea ipsa loca, que Dominus Jesus, vel suo sanguine rigavit, vel suis cruciati-bus & opprobrijs dedicavit, coram visere, & tantarum re-rum inibi gestarum, velut præsentium, contemplatione, o-culos ac mentem pascere: dulce est animæ Iesu amanti, eorum saltē expressa simulacra, ob oculos posita & quasi ad manum habere; quorum conspectu, amabilem eorum, quæ ille quoquo loco passus est, memoriam exfuscit, ac suam in Iesum devotionem acuat, reaccendat amorem.

Quo in argomento principem locum ac celebritatem facile obtinet montis Varalli solitudo, in Gallia cispalpina Helvetiorumque confinijs; quam anno Domini 1493. ex sa-cro Ordine Minorum B. Bernardinus Caimus, Ierosolymis redux, ut ijs in locis speciem quandam terræ sanctæ repre-sentaret, Sacellis compluribus per eum montem sparso, & ea quæ gessit tulitve Salvator bellè referentibus instruxit; adjuncto sepulcro Dominicō ad exactam Ierosolymitanis milititudinem. Ea quippe fertur esse ejus loci cum summa amoenitate religio, is sacrarum ædicularum cultus & ele-gantia, ea mysteriorum, quæ opere præsertim anaglyptico repre-sentantur, propè ad vivum expresio, ut eo quidem in genere, nihil ad Christi passionem tanquam oculis subjec-tendam concinnius, nihil ad animorum motus ex Christi dolorum contemplatione concitandos aptius, fangi posse videatur.

*Glossar. l.5.
Nis. c. 6.
G. l. 7. c. II.* Quamobrem & S. Carolus Borromeus, post salutatam Taurini sacram sindonem, cò quoque divertit, & loca fin-gula

gula, magno cum pietatis sensu & animi sui voluptate lustravit. Quin etiam extremo vitæ tempore, perceptos olim ex ea sancta solitudine fructus regustare volens, atque ad mortem (quam sibi propinquam præfigire videbatur) se componere; montem Varallum repetit, ibique dies complūculos, pijs se commentationibus exercuit: donec exvehementi corporis animique contentione, ea concepta febris est, quæ virum sanctissimum demum abstulit, & beatæ transcriptis immortalitatib.

Exactam ipsius montis Varalli descriptionem profert P. 2. Proo. & Mediol. c. 21 Franciscus Gonzaga in origine Religionis Seraphicæ: & nonnulla tangit Lucas Wadingus in Annalibus; illud etiam addens; fuisse multos, qui rebus humanis abdicatis, eo in monte ætatem omnem Christi mysterijs contemplandis, consumperint.

Celebratur item in Polonia, haud Cracoviâ procul, mons Calvariae; itidem ad Jerosolymitani formam à Palatino quodam Cracoviensi magnifice piéque adornatus. Nam cùm ejus montis positionem animadvertisset, cum eorum situ locorum in quibus passus est Salvator, bellissimè convenire, eum ipse locum, tum alijs sacris Vrbis Jerosolymæ monumentis, tum inter alia septenis ædiculis, septem Christi patientis Stationes referentibus, instruxit, servata locorum ab invicem justâ distantiâ; adjecto etiam Fratrum Minorum de Observantia religioso cœnobio. Isque adeò locus, varijs Summorum Pontificum Indulgentijs ditatus, magno concursu ac religione frequentatur. Montis ejus topographicam descriptionem invenies apud Georgium Braunium, in theatro Vrbium lib. 6.

Verum ea quam dico, sacrarum passionis Christi Stationum religio, non modò in locis publicis, omnib[us]que communiter pervijs, plerasque per Vrbes proposita est; sed etiam intra Cœnobiorum septa, recepta; quorum vel por-

ticus vel etiam hortorum ambulationes, sacris illis crucifixum Christi monumentis passim instructæ visuntur; & si non omnibus ubique, saltem primarijs nonnullis; ut hinc Christum in horto orantem affabré elaboratum videre sit, illinc Crucifixum in monte Calvariae, &c. Quod nimur fiat, ut ea loca obambulantis animus, simul aurâ sese amoeniore recreet, simul spiritum quendam sanctitatis hauriat; & sacram tanquam peregrinationem instituens, atque ad hæc Christi patientis monumenta divertens, eadēmque brevi precatiunculâ salutans, eam à studijs gravioribus remissionem, in gratiam quandam religionis exercitationem convertat.

Vit. c. 27. Amant enim religiosæ mentes, ipsa etiam avocamenta sua, & sanctorum curarum intermissionem, aliquo semper pietatis quasi instinctu condire; illudque student, quo ad licet, quod in S. Martino commendat S. Severus Sulpitius: Hunc nimur etiam inter legendum, aut si quid forte aliud ageret, nunquam prouersus animum ab oratione laxasse: verum (quod ejusdem Sulpitij elegans dictum est) ut fabris ferrarijs moris est, qui inter operandum, pro quodam laboris levamine incudem suam feriunt; ita Martinum, etiam dum aliud agere videretur, semper orasse.

Numerus porro ac series mysteriorum quibus Stationes prædictæ insigniri solent, si quis fortassis imitandi gratiâ nosse cupiat, ita ferè est: I E S U S orans in horto. Comprehensus à Liatoribus. Coram Caypha accusatus atque percussus. Illusus ab Herode. In Prætorio flagellatus. Spina coronatus. A Pilato productus ad populum. Bajulans crucem. Crucifixus. In monumento positus. Tamen nonnulli plura mysteria, alij pauciora adhibeant.